

IDEA Kev Qhia Ntawv Tshwj Xeeb Cov Rooj Daws Teeb Meem

Cov Lus Qhia rau Cov Niam Txiv ntawm
Cov Menyuaam Yaus thiab Cov Hluas
(Hnub nyoog 3-21)

Cov ntaub ntawv tshaj tawm no yog ib feem ntawm IDEA (Txoj Cai Kev Kawm Ntawv Rau Cov Neeg Xiam Oob Qhab) ntsig txog hom kev xaiv daws yam tsis sib haum xeeb. Cov lus qhia rau niam txiv muaj nyob hauv cov ntaub ntawv no muaj xws li:

IDEA Kev Daws Teeb Meem Txog Kev Kawm Ntawv Tshwj Xeeb
IDEA Kev Sau Daim Ntawv Hais Qhov Tsis Txaus Siab Txog Kev Kawm Ntawv Tshwj Xeeb
IDEA Txheej Txheem Hais Qhov Tsis Txaus Siab/Thov Hais Kom Taug Xyuas Ncaj Ncees Txog Kev Kawm Ntawv Tshwj Xeeb
IDEA Cov Rooj Sib Tham Txog Kev Daws Teeb Meem Txog Kev Kawm Ntawv Tshwj Xeeb



Office of Special Education Programs
U.S. Department of Education

Daim ntawv tshaj tawm no pлав qhia txog Cov Rooj Daws Teeb Meem rau Phaj B ntawm IDEA. Tsis tas yuav ntaus nqi, kho dua tshiab, los sis hloov ib qho txheej txheem pov thaiv los sis yam yuav tsum tau ua raws li txoj cai ntawm tsoom fvv los sis lub xeev.

Ib Lub Rooj Daws Teeb Meem Yog Dab Tsi?

Ib lub rooj daws teeb meem yog ib qho txheej txheem daws qhov tsis sib haum xeeb uas tau sib hais tom qab ib tug niam txiv foob hais ib qho tsis txaus siab. Cov rooj daws teeb meem yog cia cov niam txiv thiab cov neeg ua haujlwm hauv lub tsev kawm ntawv muaj sijhawm los daws cov teeb meem ua ntej yuav thov hais kom taug xyuas kev ncaj ncees.

- Cov neeg mus koom muaj xws li niam txiv, ib tug neeg tuaj ntawm lub tsev kawm ntawv uas tuaj yeem yog tus txiav txim siab tam rau ntawm lub tsev kawm ntawv, thiab pawg kws qhia ntawv rau tus kheej (Individualized education program, IEP) uas paub zoo txog txheej txheem hais qhov tsis txaus siab. Ib tug niam txiv kuj xaiv coj ib tug kws pab tswv yim, kws hais plaub, los sis lwm tus neeg pab txhawb nrog nws mus tau.
- Tus niam txiv thiab lub tsev kawm ntawv yuav txiav txim siab ua ke tias yuav kom leej twg ntawm pawg kws IEP mus koom lub rooj daws teeb meem.
- Kev ua haujlwm ua ke los daws qhov tsis sib haum xeeb tuaj yeem tiv thaiv tsis tau thov hais kom taug xyuas kev ncaj ncees, uas yuav raug nyiaj ntau thiab cuam tshuam tsis zoo.

Qee cov xeev yuav nrhiav cov kws pab kev yooj yim los koom cov rooj daws teeb meem yog thaum tus niam txiv thiab lub tsev kawm ntawv tau thov txog. Yeej tsis muaj tshooj cai li ca rau hauv IDEA tias cov kws pab kev yooj yim yuav tsum tau mus koom cov rooj daws teeb meem.

Yog koj xav tias yuav zoo dua yog nrhiav ib tug neeg pab koj sib txuas lus, koj tuaj yeem thov daws teeb meem ncaj nruab nrab hloov rau qhov npaj lub rooj daws teeb meem. Yog xav paub ntau ntxiv, mus saib ntawm *IDEA Kev Daws Teeb Meem Ncaj Nruab Nrab Txog Kev Kawm Ntawv Tshwj Xeeb.*

Lub Roj Daws Teeb Meem Yuav Tshwm Sim Li Cas?

- Lub tsev kawm ntawv yuav tsum npaj lub roj daws teeb meem rau hauv lub sijhawm 15 hnuv txij hnuv tau txais daim ntawv ceeb toom hais qhov tsis txaus siab ntawm niam txiv.
- Yuav tsum npaj lub roj daws teeb meem, tshwj tsis yog tus niam txiv thiab lub tsev kawm ntawv pom zoo sau ntawv tseg tias tsis xav kom muaj lub roj daws teeb meem, los sis pom zoo siv txheej txheem daws teeb meem ncaj nruab nrab.

Cov cai kav ntawm lub xeev ntsig txog txheej txheem daws qhov tsis sib haum xeeb ntawm
IDEA yuav sib txawv.

Xav kom cov niam txiv thiab cov neeg hauv tsev neeg hu mus rau lawv lub tsev haujlwm saib xyuas kev kawm ntawv ntawm lub xeev los sis lub chaw ua haujlwm ntawm niam txiv yog xav paub ntau ntxiv.

Cov Txiaj Ntsig Ntawm Cov Roj Daws Teeb Meem

- Cov roj daws teeb meem yog ib lub caij sijhawm zoo txog kev sib hais lus thiab tsim kho kev sib raug zoo ntawm koj thiab koj tus menyuam lub tsev kawm ntawv. Lawv muab lub sijhawm rau sawd daws los sib koom tes ua ke daws cov teeb meem ua ntej yuav thov hais kom taug xyuas kev ncaj ncees.
- Koj thiab lub tsev kawm ntawv yuav yog tus los txiav txim siab rau ntawm lub roj daws teeb meem. Hauv txheej txheem thov hais kom taug xyuas kev ncaj ncees, tus kws taug xyuas kev ncaj ncees uas tsis paub koj tus me nyuam yuav yog tus los txiav txim daws qhov tsis sib haum xeeb.
- Yuav muaj ib tug neeg ntawm lub roj sib tham uas yog tus los txiav txim siab tam rau ntawm lub tsev kawm ntawv.

Cov Lus Qhia Zoo Txog Kev Npaj Rau Lub Roj Daws Teeb Meem

- Txheeb xyuas cov teeb meem uas koj pom, sau txog yam koj tus me nyuam xav tau, thiab nqa cov tswv yim no los daws, suav txog feem siv uas yeej pom tau tias siv tau zoo lawm.
- Npaj koj cov ntaub ntawv thiab sau cov hnuv thiab teev tseg txog tej ntawd rau cov ntaub ntawv. Nqa cov tswv yim no nrog rau lwm cov ntaub ntawv uas pab txhawb rau koj qhov kev xav mus rau lub roj sib tham.
- Sim hais txog yam koj xav hais rau ntawm lub roj daws teeb meem nrog ib tug neeg hauv koj tsev neeg, ib tug phooj ywg, los sis ib tug kws pab tswv yim.
- Xav txog qee cov nqe lus nug uas lub tsev kawm ntawv yuav nug koj thiab sau koj cov nqe lus teb tseg.
- Xav txog qhov koj yuav xav li cas thaum sib hais (koj thiab lwm tus neeg) thaum lub roj sib tham.
- Feem ntau ntawm lub roj daws teeb meem no yeej ua rau sawd daws pom zoo yog txhua leej ua tib zoo mloog ib tug hais zuj zus thiab sawd daws sib hawm.

Cov Nqe Lus Uas Nquag Nug Txog Cov Roj Daws Teeb Meem

Lub roj daws teeb meem no yuav tshwm sim dab tsi?

Muab lub sijhawm rau koj hais txog yam txhawj xeeb uas koj hais rau hauv koj daim ntawv hais qhov tsis txaus siab, suav txog cov hau kev daws yam txhawj xeeb ntawd.

Puas tuaj yeem npaj lub roj daws teeb meem rau lub caij uas lub tsev kawm ntawv tsis qhia ntawv?

Tuaj yeem. Lub tsev kawm ntawv yuav tsum npaj lub roj daws teeb meem rau hauv lub sijhawm **15 hnuv** txij hnuv tau txais daim ntawv hais qhov tsis txaus siab, txawm tias yuav yog lub caij tsev kawm ntawv so tsis qhia ntawv los xij.

Yog kuv tsis tuaj yeem mus koom lub roj daws teeb meem tau raws li lub sijhawm npaj tseg no yuav ua li cas?

Lub tsev kawm ntawv yuav tsum npaj lwm lub sijhawm los daws teeb meem rau thaum txhua leej tuaj yeem mus koom tau. Yog koj tsis

tuaj yeem mus koom lub rooj daws teeb meem tau, tej zaum lub tsev kawm ntawv yuav nrhiav lwm txoj hau kev rau koj mus koom xws li sib tham pom duab hauv vis dis aus los sis hu xov tooj sib tham.

Yog kuv tsis xav mus koom lub rooj daws teeb meem yuav zoo li cas?

Tshwj tsis yog koj thiab lub tsev kawm ntawv tau pom zoo tsis xav hais lub rooj daws teeb meem, los sis siv kev daws teeb meem ncaj nruab nrab, qhov tseem ceeb tshaj plaws ces koj mus koom lub rooj daws teeb meem yog qhov zoo dua. Yog koj tsis mus koom, lub tsev kawm ntawv tuaj yeem thov kom tus kws taug xyuas kev ncaj ncees thim koj daim ntawv hais qhov tsis txaus siab thiab thim qhov thov hais kom taug xyuas kev ncaj ncees.

Yog lub tsev kawm ntawv tsis npaj lub rooj daws teeb meem yuav zoo li cas?

Yog lub tsev kawm ntawv tsis tau teem caij rau lub rooj daws teeb meem raws li lub sijhawm, koj tuaj yeem thov hais kom tus kws taug xyuas kev ncaj ncees teem caij taug xyuas kev ncaj ncees. Saib ntawm IDEA Txheej Txheem Hais Qhov Tsis Txaus Siab/Thov Hais Kom Taug Xyuas Kev Ncaj Ncees Txog Kev Kawm Ntawv Tshwj Xeeb yog xav paub ntau ntxiv.

Cov lus sib tham rau ntawm lub rooj daws teeb meem puas raug ceev tseg zoo?

Tshwj tsis yog koj thiab lub tsev kawm ntawv pom zoo tias yuav ceev tseg cov lus sib tham ntawd cia kom zoo. Yog kev ceev tseg zoo tseem ceeb rau koj thiab lub tsev kawm ntawv, neb yuav tsum kos npe rau daim ntawv pom zoo los sis muab sau rau hauv koj daim ntawv pom zoo daws qhov teeb meem. Koj tsis tas yuav tsum tau kos npe rau daim ntawv pom zoo txog kev ceev tseg cov lus sib tham thiaj li yuav tau mus koom lub rooj daws teeb meem.

Cov kws hais plaub puas tuaj yeem mus koom lub rooj daws teeb meem?

Tej zaum lub tsev kawm ntawv yuav coj ib tug kws lij choj mus koom lub rooj daws teeb meem yog tus niam txiv xaiv coj ib tug kws lij choj mus.

Yog kuv xav tau ib tug kws txhais lus yuav ua li cas?

Qhov tseem ceeb uas koj yuav tau nkag siab thiab yuav tau mus koom txhua lub rooj daws teeb meem thiab txhua txheej txheem. Cia txhua tus neeg uas mus koom paub tias koj xav tau ib tug kws txhais lus. Hu rau koj lub tsev haujlwm saib xyuas kev kawm ntawv ntawm lub xeev (State educational agency, SEA) yog xav paub ntau ntxiv.

Kuv yuav paub li cas tias lub tsev kawm ntawv ua raws li qhov tau pom zoo?

Feem ntau cov tsev neeg thiab cov tsev kawm ntawv yuav tsum ua raws li qhov lawv tau pom zoo ua ke. Daim ntawv pom zoo txog kev daws teeb

meem daim ntawv uas tus niam txiv thiab lub tsev kawm ntawv pom zoo kos npe lawm tuaj yeem yuam siv rau hauv lub tsev hais plaub tau thiab nyob rau qee lub xeev los ntawm SEA.

Yog kuv hloov siab rau qhov pom zoo tom qab lub rooj daws teeb meem yuav zoo li cas?

Cov niam txiv los sis cov tsev kawm ntawv tuaj yeem thim qhov pom zoo rau hauv lub sijhawm 3 hnuv ua haujlwm tom qab kos npe rau daim ntawv pom zoo.

Yog peb tsis tuaj yeem pom zoo rau thaum lub rooj daws teeb meem yuav zoo li cas?

Koj thiab lub tsev kawm ntawv tseem sib hais mus ntxiv tau tom qab lub rooj daws teeb meem, sib koom tes daws qhov tsis sib haum xeeb kom ob tog pom zoo.

- Koj tuaj yeem thov kom tus kws taug xyuas kev ncaj ncees muab lub sijhawm ntxiv los daws qhov tsis sib haum xeeb.
- Koj tuaj yeem sim daws qhov teeb meem ncaj nruab nrab seb puas tau, tus kws daws teeb meem ncaj nruab nrab tuaj yeem pab cev lus rau ntawm koj thiab lub tsev kawm ntawv.
- Yog koj thiab lub tsev kawm ntawv tsis pom zoo rau hauv lub sijhawm 30 hnuv txij hnuv koj foob hais qhov tsis txaus siab mus, koj tuaj yeem foob hais kom taug xyuas kev ncaj ncees tau.

Leej twg yuav yog tus them cov nqi rau lub rooj daws teeb meem?

Cov niam txiv yuav tsis tau them cov nqi no. Tshwj tsis yog koj ntiav ib tus kws lij choj, koj tsuas them nqi rau lub sijhawm uas nws tau pab koj npaj thiab thaum mus koom xwb.

Yog xav paub ntau ntxiv txog kev daws qhov tsis sib haum xeeb ntawm kev kawm ntawv tshwj xeeb thiab feem kev hais qhov tsis sib haum xeeb raws li IDEA, mus saib ntawm CADRE lub Website:
cadreworks.org

Yam Tseem Ceeb Uas Yuav Tau Sab Laj Txog Cov Roj Daws Teeb Meem

- Kev mus koom lub roj daws teeb meem thiab kev npaj rau lub roj sib tham no puas yog ib qho nyuaj – ua rau npau taws thiab mob hlwb. Kev siv lub sijhawm npaj ua ntej lub roj sib tham yuav muaj txiaj ntsig zoo heev, thiab yuav ua rau sib pom zoo tau zoo dua.
- Yog koj pom tias sib txuas lus nrog lub tsev kawm ntawv tau nyuaj, hais kom ib tug kws pab kev yooj yim sab nrauv pab thaum mus koom lub roj daws teeb meem, los sis thov kom daws teeb meem ncaj nruab nrab hloov rau lub roj daws teeb meem.
- Yeej tsis tuaj yeem lav tias sawd daws yuav pom zoo.
- Cov lus sib tham rau ntawm lub roj daws teeb meem yuav tsis raug ceev tseg zoo, tshwj tsis yog koj thiab lub tsev kawm ntawv pom zoo tias yuav tau ceev tseg.

Cov Ntaub Ntawv Tseem Ceeb


Cov npe ntawm cov chaw ua haujlwm ntawm niam txiv nyob hauv lub teb chaws los ntawm lub chaw Chaw rau Niam Txiv Cov Ntaub Ntawv thiab Cov Ntaub Ntawv (Center for Parent Information and Resources, CPIR): parentcenterhub.org/find-your-center los sis hu rau (973) 642-8100



Lub Chaw Daws Qhov Tsis Sib Haum Xeeb txog Kev Kawm Ntawv Tshwj Xeeb (Center for Appropriate Dispute Resolution in Special Education, CADRE) yog lub chaw pab hais qhov tsis sib haum xeeb hauv lub teb chaws: cadreworks.org los sis hu rau (541) 686-5060



Tus Kheej Ntiag Tug Cov Ntaub Ntawv nrog rau Txoj Cai Kev Kawm Ntawv Ntawm Cov Neeg Tsis Taus (Information on the Individuals with Disabilities Education Act, IDEA) muaj nyob rau hauv online: <https://sites.ed.gov/idea/>



Yuav Nrhiav Ib Lub Chaw Ua Haujlwm Ntawm Niam Txiv Nyob Hauv Koj Thaj Chaw, Hu Rau:

Ib Cheeb Tsam 1 Lub Chaw Ua Haujlwm
ntawm Niam Txiv TA
NJ Statewide Parent Advocacy Network
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: spanadvocacy.org

Ib Cheeb Tsam 3 Lub Chaw Ua Haujlwm
ntawm Niam Txiv TA
Parent to Parent of Georgia
3070 Presidential Pkwy, Suite 130
Atlanta, GA 30340
Xovtooj: (800) 229-2038
Xov tooj fej ntawv: (770) 458-4091
Website: ppga.org

Ib Cheeb Tsam 5 Lub Chaw Ua Haujlwm
ntawm Niam Txiv TA
PEAK Parent Center
611 N. Weber, Suite 200
Colorado Springs, CO 80903
Xovtooj: (800) 284-0251
Xov tooj fej ntawv: (719) 931-9452
Website: region5ptac.org

Ib Cheeb Tsam 2 Lub Chaw Ua Haujlwm
ntawm Niam Txiv TA
Exceptional Children's Assistance Center
907 Barra Row, Suites 102/103
Davidson, NC 28036
Xovtooj: (704) 892-1321
Xov tooj fej ntawv: (704) 892-5028
Website: ecac-parentcenter.org

Ib Cheeb Tsam 4 Lub Chaw Ua Haujlwm
ntawm Niam Txiv TA
WI FACETS
600 W. Virginia St., Ste. 501
Milwaukee, WI 53204
Xovtooj: (877) 374-0511
Xov tooj fej ntawv: (414) 374-4655
Website: wifacets.org

Ib Cheeb Tsam 6 Lub Chaw Ua Haujlwm ntawm
Niam Txiv TA
Matrix Parent Network & Resource Center
94 Galli Drive, Suite C
Novato, CA 94949
Xovtooj: (415) 884-3535
Xov tooj fej ntawv: (415) 884-3555
Website: matrixparents.org

Center for Parent Information and Resources (CPIR)
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: parentcenterhub.org

Lub Chaw Ua Haujlwm Ntawm Niam Txiv Hauv Koj Lub Zos:

CADRE sau cov ntaub ntawv no raws li U.S. Department of Education, Lub Tsev Haujlwm Saib Xyuas Txog Kev Kawm Ntawv Tshwj Xeeb Daim Ntawv Pom Zoo Sib Koom Tes Nab Npawb (Office of Special Education Programs Cooperative Agreement No. H326D080001. Tina Diamond, Ph.D., yog tus li haujlwm rau txoj haujlwm. Qhov kev tshuj xyuas no tau hais tias tsis tas yuav muaj cov qeb dej num los sis cov cai tswj fwm ntawm Lub Tsev Haujlwm Kev Kawm Ntawv. Tsis muaj pom zoo raws cai los ntawm U.S. Department of Education txog ib yam khoom siv, khoom lag luam, kev saib xyuas los sis kev ua lag luam raws li hais rau hauv daim ntawv no los sis yuav raug muab tshaj tawm. Yam khoom siv no yog rau pej xeeb sawd daws siv. Kev tso cai rov qab tsim ua tag nrho los sis tsim ua ib feem. Thaum tsis tas yuav tso cai rov qab muab cov ntaub ntawv no luam tawm, yuav tsum hais txog: CADRE (2014). IDEA Cov Rooj Daws Teeb Meem Txog Kev Kawm Ntawv Tshwj Xeeb, Eugene, Oregon, CADRE. Cov ntaub ntawv tshaj tawm no muaj cov hyperlinks thiab URLs uas raug tsim thiab tswj xyuas los ntawm cov chaw ua haujlwm sab nrauv thiab ua kom muaj kev yooj yim rau cov neeg nyeem. Lub Tsev Haujlwm no yuav tsis lees saib xyuas txog qhov raug thiab tsis raug ntawm cov ntaub ntawv no. Qee yam haujlwm no raug tsim kho yav dhaug los txog Technical Assistance ALLIANCE rau Cov Chaw Ua Haujlwm Ntawm Niam Txiv. Hnuab Luam Tawm: Ib Hlis 2014.